





正心詩集卷之六

周公儀都憲撫河朔

兩以忠謨進

至尊最先擢用荷恩存久留膏澤施南服重倚威名

鎮北門易水流澌衝夜雪燕臺佳氣擁朝暾經綸雅

志從茲展萬竈騰烟社列屯

行年四十有五

四十五年駒過隙居閒無事免招愆隨時把酒聊三

盞任意觀書又一篇夜雨滿城驚昨夢秋聲在樹憶



前賢華簪幸際昇平日俯仰乾坤樂自然
南征北伐淨妖祲閩外偏承

帝澤深伏櫪名駒須數策沿堤官柳已成林
秋來忽作還家夢老去空懷報

國心偉烈有誰公史筆穹碑為建大江濶
重

輶車出賧四年中重觀時清歲亦豐
始佐本兵操大柄載陳封事卷六

重瞳三秋霜月詩懷壯萬里乾坤治道隆
只為嚴廊虛席夕江邊行李却匆匆

北壇大風

臨壇嚴祀事風急起天涯大道飛沙礫
長江滾浪花樹身隨岸動日影被雲遮
社鼓村々樂令人意味嘉

秋夜雨

夢回更鼓已交三鴻鴈聲疎陣却南風
雨蕭々無限思非閑宿酒坐如酣

秋來風雨苦清寥簷溜涓々聽轉饒
屈指重陽無幾

日積陰安得望中迢

九日

年來爭柰事匆匆，轉眼重陽節又逢。
三徑猶存人易老，四郊無警歲還豐。
秋生城闕蟲音杳，暝壓園林柿葉紅。
落帽空懷當日客，風流安得一搏同。

西湖秋泛

高秋放艇水雲鄉，逸思無涯接混茫。
日射波間魚跳躍，風穿樹底葉飛揚。
扣舷暗數鷗成隊，倚檻遙看鴈有行。
淶酒菊來拚一醉，盈盤霜蟹擘新黃。

題楊行人卷

使星當夜見

君命隔年將四牡，聯馳驟孤舟泛渺茫。
承顏曾假道，問政復升堂。
一出全三美，聲流齒頰香。

題桂山風月卷

遐瞻叢桂蜀山岑，風月無邊契夙心。
少女裾輕香裊裊，素娥粧靚影沉沉。
鵲梁晝永枝登玉，蟾窟秋高粟綴金。
遊宦翩然無俗累，斯盟寒却共誰尋。

冬日早出偶成

孤鴻嘹唳早霜天獨步庭階思悄然撲面寒風醒曉
夢注顏卯酒變春妍菊多異品開方盛栢豈真材植
更堅傳教視朝良夕罷呼童牽猪續殘篇

冬晴口占

冬來晴且夕雨雪尚愆期籬菊方爭艷江楓未謝枝
井深餘淺水風暖散遊絲恒煥何須訝端居在若時

和桂軒冬夜韻

青燈不受一塵侵坐擁紅爐夜漸深孤悶破除須小
酌薄寒消散試微吟樓升海月如懸鏡樹攬天風似

鼓棹就枕心平無復夢那堪展轉聒蟲音

贈張都閫

蚤著威名草木知封侯骨相本來奇訓兵不出昇平
日建節剛從壯健時營堡烟銷柳嶺路樓船雲集漢

江涯

天恩行見膺褒擢黃氣騰、繞兩眉

贈陳簡菴工侍

遠人多頌少司空兼職烏臺地望崇三省經營非定
制四年跋涉有成功清風穆、開巴道瑞氣騰、起

漢宮此日端歸膺

寵渥江邊行色正匆

新頒元年曆

改元願祝

聖躬安玉曆初頒重履端嘉靖共瞻新政速太平盡
復舊章難風調雨順豐年起航海梯山貢道寬誰不
謳歌堯舜日宗藩於此有餘歡

正月十七夜

上元燈火此宵殘載藝名香思未闌滿酌屠蘇拚一
醉飽聽金縷侑三盃膳瓶梅放水應煖丹室芝生風
正寒海月無輝零小雨賞心願減幾分歡

教授姚瓚陞審理副

曳裾歲久擬升階

天上除書特地來文史淹通千載故刑名展布一時
才清符公論如江水喜動春風遍苑梅始信儒冠元
未誤門庭今見擁輿臺

齋居夜雨

風雨夜來狂飛花滿院香燈光乍明滅鐘韻轉悠長

人事渾如舊，天時頗異常。祈年遵祀典，靈貺被炎方。

春日

春來日，晴慵出踏新青。假寐聊憑几，消閒或倚屏。
風前群蝶亂，戶外百花馨。回憶芳年事，晨昏半醉醒。

和桂軒春夜韻

銀燭光殘夜漸深，廣庭虛寂意沉沉。孤斟無侶因停
酌，三倡何人與賞音。宿鳥枝頭風為掃，落花砌冷露
相侵。青春欲去知難買，任彼豪華素有金。

題扇

經史須通閱，興亡事可知。雅宜端好尚，尤在慎威儀。
九戲皆無益，當行必有師。青春非易得，勿負少年時。

贈席亞卿

瞻彼金陵根本地

綸音徵貳夏，官卿忻逢斯。世方熙洽，借問何人更老。
成天闕，嵯峨通象緯，雲帆縹緲計江程。一門三鳳，真
稀有，專席荆臺，藹頌聲。

贈唐侍御

堂顏世豸振家聲，共羨東南有俊英。一道霜威元自

肅幾年垢弊頓能清峴山世遠知羊祜鄂渚江長失
襴衡吟思益豪歸覲日雲邊翹首見

神京

宿靈泉山

山堂推枕不成眠帳外更籌次第傳雨脚如期方沸
若雪心感事轉凄然泉聲遠瀉溪橋下松影頻移石
磴前

帝室展親恩最厚輶車奉使意尤虔

贈許司諫

扶搖雲路快鵬騫磊々英姿列諫垣近覩

新朝無缺事遠臨舊國有加

恩柳條拂雨江邊舸月色隨潮海上村便道可教鄉
夢穩咨諏方擬達

天闈

仍用前韻答許司諫

信宿行宮欠穩眠聊因寫興有詩傳雨中山色濛々
爾樹杪泉流瀟々然

五廟神靈如在上一身安健幸仍前從官雲集勤劬

共報我瓊瑤意亦虔

和姻家吳月濱都閩遊洪山韻

款延僚友寺門東走筆吟成句法雄
苗稼及時逢好雨閭閻解愠有薰風
遠郊但見雲連水幻境曾知色即空
繞殿鐘聲催日暮千峯回首思冥濛

張都憲廷獻生日

瞻彼南山興有臺一生福厚自天培
豐頤廣額超凡相玉液瓊漿作壽杯
迭戟群鳥如舊集隨車霖雨趁新來
薰風永日多清暇蔗境遲仍踐鼎台

夜聞秋聲病中作

何處秋聲夜半來滿城木葉勢如摧
紗窓有月能相照綺戶無人漫自開
四壁一涼何寂寞千巖萬壑競喧逐
病軀苦熱知無柰却喜從今暑漸回

生日

半百相望隔四年曾師古訓戒風愆
方期壽考如松茂更願皇圖比石堅
殿閣秋生嵐氣重旌旄曉出露華鮮
後王敢忘前王德成憲于今一一傳

壽吳月濱姻家

樹杪西風動早秋玉盃錦席篆香浮添籌海上雲連
屋出色淮東月滿洲已卜仙郎當發解未論老將欠
封侯兼資文武囊還括戚畹逍遙可自由
題蓮浦卷
愛蓮有說許誰評百世濂溪擅此名爭似雲孫蓮浦
上箇中風味十分清
芙蓉菡萏總名蓮清曉香風隔岫傳臨浦構亭招客
飲碧筒盛酒共陶然

秋雨後作

涼生雨後暑隨收謾聽吟蛩動百憂落葉滿堆投檻
底殘星數點掛簷頭捲簾頓覺眸全放覽鑑空慚鬢
亦秋世事祇緣言不出令人欲向醉鄉遊

吳生光祖中舉

秋來得意勝登仙白馬青絲羨少年世祿自嫌非已
致文場誰道取人偏江邊采芡增行色花下金樽啓
別筵雲路迢遙從此始東風吹袂候臚傳

登州宜九日登高二首

觀遊高興發步上翠微岡昔有風吹帽今猶汗透裳

插茱人漸少把菊客何忙
酌酌酬佳節徘徊坐夕陽
登眺宜高遠山頭有此堂
黃花猶未放白酒一何香
樹密殘紅墮江空匹練長
嘉賓酬此景切勿恡篇章
和桂軒十月見梅韻

小梅陽月已先花眼見無論八九家
青女晚臨粧尚淡素娥夜對影
偏斜開時可任千人賞落處那堪一曲
譁寫染纔歸圖畫裏高柯勁幹兩交加

弟惟善堂有菊索之以詩

頻年種菊早芬芳今歲含苞未吐黃
料得東籬開最盛欲娛老眼借餘光

佳菊相煩惠幾株今秋未見到庭除
誰憐高趣陶彭澤惆悵風前看畫圖

弟江夏王求慈闈榮壽詩

花甲剛週在此年笙歌侑酒啓瓊筵
母宜象服榮還壽兒有斑衣孝且賢
世際豐亨瞻化日人逢喜慶過炎天
樹諼無恙真難得為賦南山第一篇

長至前一日見雪志喜

深冬猶亢旱至日獨沉冥和氣如春暖
飛霙入夜零

江梅花半吐堤柳幹全青從此沾新潤民謠似可聽
東寧伯奉使還京

金鼓嗶、迓水濱緋袍玉帶照青春馳驅遠使勞勲
貴感荷

皇恩重懿親歲晚風雲隨絳節天明車馬簇紅塵伊
誰為草常何疏民瘼因之達

紫宸

贈奉使周郎中

暫輟刑名領使華江城喜氣接雲霞咨諏入羨勤勞

著

錫命吾慙禮數加臙月冒寒方就館貴溪乘便可還
家

九重宵旰求賢切粉署時應被

寵嘉

和桂軒雪窓梅綻韻

雪落虛窗白梅開曲徑斜同雲籠玉樹老幹綻瓊花
呵凍吟毫澁祛寒酒盞加要知風味美掃蕪團茶
呂長史尚功進秩四品展祭西歸

宦遊歲久滯歸期梓里云胡繫夢思江晚寒流通灌
口天高新月上峨眉

恩沾相府橫金日喜浹賓筵設醴時戀、可堪臨別
意布帆西上指天涯

除夜聞雪新元喜雨

倏忽雷轟啓蟄歲除有此是何祥新元一雨初生
潤清曉殘星尚吐芒宿麥青還添野色早梅紅獨媚
春光頃來亢旱嗟何久膏澤今看徧一方

上元夜和姪中尉檄韻

無意觀燈奈老何春遊到處有行窩樽前不用躄、
舞夢裏還為浩、歌雨澤獨憐新歲少風光始信壯
年多若將江漢倫洙泗似子才能可四科

春齋夜坐

廣堂向暝轉幽沉端坐凝然定此心清夜漸看初月
吐靈臺不受一塵侵平居曠放知何益神化玄冥在
所欽周雅祈年稱孔夙燈前記憶不成吟

率世子祗見

先園感而有作

春晝初長鼓吹喧携兒馳道謁

先園進封仰荷儀章備展祀因祈祚胤繁四壁雲山
騰瑞靄一川花柳閱仙源孝誠頓覺生悲愴帝鳥聲
聲入夢魂

社日

村、賽社鼓聲喧春意方深綠滿園燕子飛來塵網
斷花枝開遍酒杯繁峰巒晴見還如染潢潦朝盈豈
有源煮茗焚香無一事黃蜂紫蝶攪吟魂

和桂軒九峯之作

君緣上塚經禪寺逸思春來更洒然塵外柔風晴緩
緩山中飛瀑曉濺、僧翻經處焚香篆女獻花時插
髮蟬佇目九峰青未了這回收拾入新聯

和韻吳月濱感懷

尺素隨潮怯鯉沉開緘聊亦慰遐心閒身好被江湖
絆老髮何妨歲月侵愛客幾回將酒罄能詩一向使
人欽楚遊久已通時俗擊節臨風又越吟

觀採茶

北苑從知道路賒湖南見茁雨前芽龍團昔在前朝

重雀舌今為滿座嘉玉碾香塵飛欲起銀鑪雪浪滾
成花不須七椀傷多飲一啜清香漬齒牙

贈何侍御

南巡所至藹芳聲揚激曾分濁與清曉村飛鳥霜正
凜秋闈撒棘月偏明直躬無不當言路
昭代方欣復太平報道還朝行有日傍人誰不望干
旌

題棠棣孔懷卷

情深感鶴原和氣藹春溫雅什流千古倫彙重一門

風前荆樹茂雨後棣華繁不令交相瘡難將薄俗論
杭東卿憲使述職還任旬日有山東右轄之

命詩以贈之

利見飛龍第二春半年行色繞朱輪南邦空望雲霓
切東土偏承

雨露新瑞應孔林增秀爽青浮泰岱見嶙峋薇垣已
近三台地此去何當更問津

贈鄭立之方伯

旬宣西蜀戒征期楊柳青、夾道垂繡服有光臨水

澣布帆無恙指天涯迭膺薦剡符輿論載荷褒恩結
主知遷轉料爲台輔漸光天化日際斯時

禱雨有感

阿香猛省震翻車號；無論百里賒風伯薄天飛石
燕雨師逐電走金蛇漸回生意蘇枯槁已散憂懷免
嘆嗟全楚居民皆鼓舞終朝幾陣密如麻

秋祀夜作

風聲雜鐘鼓雨聲雜管絃煌；飛燎火裊；升爐烟
對越盡誠敬肸蠁惟吉蠲遠行豈知夜車馬臨江邊

省牲用姪中尉精韻號希賢

年來老大際平成祇事叢壇露氣清秀色沿江多種
柳祥光滿路豫芟荆祀嚴上戊無違禮雨落先庚未
卜晴賢肯相希今見汝望風走价把詩迎

九日

長春放步到山巔秋色茫；又一年詩句起頭尋故
事茱萸插髻效前賢黃花雨過開能早紅葉隨風舞
更旋人事逢時應自勝晴來把酒眺晴川

新試野服

冠裳遠紹古儒風和氣雖、禮度中晉制到今千載
降秦人避世幾家同白雲逸袂誰從拂綠酒盈樽莫
放空俗狀塵容須擺脫置身還在玉臺宮

張通判乞歸養吳月濱爲徵詩

涖官剛及一年餘得遂歸心自躍如夜夢不忘菜子
服朝飡應厭武昌魚牛毛萬、空磨劍鶴髮雙、正
倚閭祇幸此生逢

聖世湖山佳處侶樵漁

和桂軒見頌新曆韻

白駒莫繫去如馳瞬息韶華祇暫時歲月令人成老
大乾坤當此遂清夷一陽初復頌新曆萬木重忻發
故枝默坐小齋無箇事濡毫吮墨和來詩

臘後一日遊西湖

蕩漾湖波接遠天深冬晴日樂悠然遊魚躍起投絲
網羣鷺驚飛繞畫船風逐浮漚生凸凹日消殘凍瀉
潺湲金樽獨酌情無已醉後狂吟改舊篇

和韻桂軒新正試筆

泰運初回北有年一年生意滿春前蒼顏對鏡休嗟

老綠野傳杯豈論仙
冰雪消殘寒氣盡
樓臺掩映日華鮮
詩人興發知難繫
佳句從今得幾聯

寄鄭總戎

介胄臨戎勇有餘
朔風凜冽護諸胥
邊塵淨掃秋防後
胡馬窮奔夜戰初
忠赤已從功業見
汗青終把姓名書
偏裨幾許皆才俊
時向轅門候起居

寄成憲副

牙纁西巡幾歲中
外臺遷轉

勅提戎防秋城掩關
山月清野旗翻草木
風一道霜

嚴馳口譽

九重恩洽奏膚公
吾藩芻牧沾餘澤
韻語無嫌得自通

寄陶守備

持門雅望甲平涼
制虜都推旅力剛
蜂起三軍齊拒守
沙飛萬馬畢超驥
豐年盈隴搖青麥
春日連營蔭綠楊
為荷

皇恩圖報荅登名
汗簡有餘香

寄劉守備

一生拳勇冠三軍體貌魁梧迥出群
駐馬花川披草色提戎沙磧盪烟氛
宵中雄畧前無匹耳畔賢聲遠有聞
屢薦行看膺

寵擢矢心禪報仗忠勤

忻城伯奉使還京

青、草樹布陽和共道江南爽氣多
絳節早春臨舊國仙槎中夜發明河
民風於此勞咨度使事維新助
琢磨年少榮膺茅土貴去
天尺五浩恩波

贈胡都諫

暫違丹禁使江涯乘遽而南眼界賒
制冊紹封隆

帝胄咨諏發興詠皇華春風滿路馳騶從
曉日明樓奏鼓笳行過故鄉誰不羨光榮
况復際亨嘉

壽桂軒年屆半百

超逸丰姿玉雪然誰人不道是神仙
山中叢桂飄香遠洞口蟠桃結實鮮
添得海籌開壽域釀成春酒送賓筵
老彭只恐前身是曾住人間八百年

長春山試茶

春深岡阜展旗鎗採，爭誇到滿筐。汲取玉泉饒至
味烹煎金鼎散清香。除煩不信終無患，破睡誰云別
有方。莫羨家山為絕品，龍團鳳餅更應嘗。

登山

上山輕捷坐肩輶，身歷危巔望遠坳。殘燒縱橫煙漠
漠，流沙斷續水泠泠。樹頭好鳥矜新羽，谷口幽蘭吐
細馨。怪底塵囂都擯却，竒蹤今已達青冥。

苦雨

初逢時雨降，萬姓盡歡然。傾注踰三日，奔流合衆川。
漁人迷彼岫，農父失私田。四野雲封樹，孤城水接天。
鬱蒸生疾疫，震盪攪酣眠。引領瞻晴色，羲車願早旋。

秋祀日喜雨

暑氣方炎早稻香，湖心菱芡薦秋嘗。雲輶濟、昭靈
貺仙仗遙，降下方微雨。生涼祛旱虐，高天騰爽播。
恩光禮嚴六肖，遵周典笙管猶嫌節奏忙。

贈馬侍御

攬轡南來重慨然，塗人爭誦使君賢。霜摧夢澤風前

葉烏集荆江渡口煙戎籍載清千里外
帝恩遙下五雲邊激揚未負承平世峻秩還應不次
遷

生辰述懷用進退格

四十八年如逝水知非將近已知非榮膺
封爵漸無補拙守詒謀強自持千里河山全地利半
生風月吐天機感秋深恨多涼德那敢臨軒把壽卮
免朝賀故云

示楊孫二長史

靜慮百端多靡盬匡扶須仗出群才揚雄問字人將
至孫敬耽書戶可開秋水滿湖魚漸大青雲在眼鴈
初來吾心自信無畛域席屢前移莫浪猜

王秉衡憲使轉山東右轄

新除右轄復東征江海相望兩月程
臺栢蒼顏道舊愛垣薇紫艷起先聲
湖南鴈唳天何遠濟上烏飛月
倍明羣幼重瞻旌節至更愁
徵命出

神京

齋居

薄之收成賴此年仲秋報祀豈徒然深慚對享多涼
德幾在齋居省宿愆白露江遙潮信至西風天淨桂
香傳願將心事祈神祐何日
恩書降九天

十四日夜

幽齋無語坐更闌白露當時氣欲寒明月一輪爭未
滿更深舉酒試邀看

散步庭階興未闌葛裳風透漸生寒徘徊好在天邊
月遠近人皆仰面看

和桂軒韻

萬籟無聲湛太虛南樓睇望鴈來初未收殘暑猶炎
甚纔起商飈正突如光動銀蟾侵戶牖香浮金粟散
軒除同情若許同追賞把酒高歌樂有餘

中秋月和楊長史韻

浙人西風拂面涼桂花開占月中央金波潑灑侵朱
戶玉露飄零點素裳酌酒樓頭情曠逸詩樹下興
悠長一城疑隔天涯遠安得與子同徜徉

同前和孫長史韻

令節如流度歲華興來今夕浩無涯辛勤萬杵長生
藥恍忽千門月姊家浮翳有時藏瑞兔清光何處覓
妖暮更闌慎勿輕揮斧丹桂方開滿樹花

登高

登高直越招提境四望遠山何秀整白石蒼松度歲
華紅葉清霜點秋景故事惟宜把菊觴本邦不必論
萍梗醉來一笑晚江空樹底斜陽下人影

和韻吳月濱題畫菊

五色秋英紙上開豈知籬畔費澆培筆尖點染皆生
意笑對斜陽把一盃

舟中

冬日暖融、西湖浩渺中魚跳朝有浪舟穩晝無風
遠岫飛群鷺高天過一鴻新醅欣早熟助我醉顏紅

頒曆

嘉靖膺天曆今頒第四年八方遵正朔
萬壽拱重玄勝日由春始高天自左旋展看憎我老
安得比神仙

長至日病中述懷

身倦軒：臥軟床五更猶夢肅鴛行嚴城嗚咽聞殘
角迭殿氤氳拂異香老脚病來親藥石此心安後整
冠裳灰飛葭管知還驗晷影當堦漸：長

承裕堂宴示世子二首

冬日雪新霽晴光照綺筵樹頭禽聒：山下水涓：
春酒初嘗既斑衣屢舞偏我邦餘裕在忠孝是家傳
陰：冬日暗好效惜二餘握管賡新句臨軒閱舊書
面墻徒自悔人鑑本當於祇想嚴親訓圖終在謹初

雪夜

擁裘孤坐撥爐薰玉漏稀聞夜已分大地繽紛浮雪
色高天瀕洞隱星文千門有象皆寒意三戶無時不
瑞氛從此豐年知可望新醅試飲尚微醺

和韻桂軒

殘編久誦落燈花窗外冥迷雪意賒幻境忽成銀色
界何人自擬大方家三冬文史知應足半夜星河望
轉斜向曉咿吾聲且歌呼童裹飯飼飢鴉

歲暮禘祀風雪大作

動地風聲迅若雷，彌空篩落豆稽灰。
晨興豈憚寒威盛，臘去纔驚歲律回。
郢客歌殘憐寡和，梁園賦就羨多才。
不知今夕為何夕，孝享瞻依鶴駕來。

正心詩集卷之七

元旦

起占雲物曉天紅，和氣初回蕩漾風。
絳蠟煌煌然玉燭，屠蘇醲醲泛金鍾。
青銅久掩忘私照，白髮新添助老容。
今日履端還有慶，寅賓出日望頻東。

和韻桂軒春雨

重陰幕幕鎖丹房，聽雨那知晝漏長。
池水乍添三尺滿，園花不賸一枝香。
短吟未已慵拈筆，久坐無聊倦倚牀。
可念市廛貧太甚，人行泥滓半無裳。

和韻桂軒春夜小酌

靜聽東風動鼓鼙，厭厭夜飲捧玻璃。春光已漸添盤菜，世夢云何入甕醯。天淨仰瞻星拱北，雲開坐待月生西。桂仙於此應沉醉，折得梅花壓帽低。

和韻孫長史謝給月米之作四首

邇來史秩付楊孫，遴選偏承

聖帝恩。月廩聊將供飽飯，家庭聚首樂春暄。公餘無事願加餐，帶孔今移幾尺寬。白魚江魚鮮可食，糴草何必說長安。

白面青眉喜氣津，相逢都羨宦情新。年豐頓免啼飢誚，繼粟還須戒廩人。

官怠多緣宦已成，官威豈不自廉生。太倉稊米叅天地，一寸心田萬古明。

和韻桂軒登鳳凰山

伊人好事此登山，况值春回竹樹顏。車馬崇朝臨草埠，鳳凰何日落人寰。一尊獨酌風塵表，雙眼遙馳浩渺間。枉辱佳章因索和高情於我，豈相關。

張惕菴都憲擢刑侍

歷官三紀擅賢聲
纔自中臺轉亞卿
郢樹尚餘霜氣
肅秦淮堪驗海波平
世家舊接三台近
命服新超八座榮
雲白天青春晝永
祖筵絃管動離情

即事

郊行縱兩眸
天闊思悠々
城郭晴光麗
汀沙暖氣浮
望中符夜夢
物外得天遊
無幾春將半
吟成按筆頭

和韻桂軒咏山茶花

山茶花出自湘源
盆盎中開趁早
暄翠袖捲紗能自
愛朱唇露齒共誰
喧東風吹雨姿容
麗清曉籠煙氣

色也折得一枝
聊把翫
瓶斜插謾開尊

寄題舊長文朱文佩家瑞竹兼寓壽意

春來偶興綠猗猗
寄遠聊吟瑞竹詩
出籜龍孫騰茂
日成叢鳳尾
變生時枝頭風過
毛斯舉葉底烟開
羽可儀吳釀足
供林下樂比君相
與到期願

蔣竹塘都憲之鄖陽

文當方岳布仁風
新擢中丞莅漢東
三省地連歸撫
治一方民聚樂
悒悒春浮官柳
沿堤綠霜拂山
花夾道紅指日
應知

徵命至老成圖報祗孤忠

馮戶部西歸展慶

鼓樂喧呼迓玉津使華乘便慰雙親天開壽域仍多
慶星動仙槎適有因遠事何須誇絳老近科方且羨
青神名家積善承

恩寵里閑年來瑞氣新

穀雨觀採茶

長春山頂貼雲霞穀雨年一事採茶試焙盆中隨火
候新嘗碗面泛銀花相看佳氣薰眉宇共得清香漬

齒牙去膩除煩功用著品題端合屬詩家

賜承奉張慶

芳年自負邁群才珍重吾

皇簡命來海闊山高春浩蕩天青雲白日昭回堂
玉貌稱中貴耿々丹衷映上台願爾始終誠一致承
歡奉喜莫疑猜

賜承奉王憲

馳驅遠道歷冰塵擢任經時拜始真
宗社奠安神意悅冠袍光采

帝恩新每因霖雨思良佐且幸風雲起舊人願爾志
同松柏茂豈惟獨桂玩秋春

喜雨

農務依時逢好雨嘉禾栽植綠連塍陂塘漾魚爭
躍山樹深鳥自鳴田舍老翁忙築室司農使者喜
開觥應知國正天心順願為吾

皇賀太平

題水墨葡萄二首

老幹如龍飲水然夜光無數叟相牽上林曾解相如

渴著此芳名不計年

日觀初非浪得名高堂素壁足怡情伯郎一斗饒風
味可信涼州是酒觥

丁原德副憲之漢中

佐理藩垣望已隆憲臺擢任有威風榮行取道趨關
右兵備分司莅漢中四照亭荒惟石在孤雲山險與
天通兼資文武人都羨到處題詩筆勢雄

初伏繼大暑

昨日庚初伏今朝暑大來長空飛烈焰遍地播炎埃

爽倦調冰水便涼坐露臺驕陽休自得屈指早秋回
武昌陳大尹秩滿予府李教授元嗣其鄉人
也求詩以豔其行

劇邑名馳鄂郡東西山佳氣閔吳宮牛刀妙割才還
展鳧鳥高飛政已通江畔雲浮官柳綠郊端日映小
桃紅此行會見承

天寵千古應聞卓魯風

王侍御生日

西風吹送早秋來春酒誰當介法臺人望文星銀漢

上天開壽域錦雲隈官尊不枉育蟠豸祖德元從手
植槐自古山東誇出相遙知瑞靄接蓬萊

和韻桂軒立秋感興

齒牙偏耐嚼瓜寒庭戶秋生玉露溥大火已流庚日
伏西風乍起暑將殘宮砧急搗蟲音靜樓角頻吹蝶
夢闌堪嘆年華如逝水半生碌碌祇偷安

生日

行年四十九春秋髭鬢斑然不自由宗社六傳惟寶
旨萬種足珍收夜瞻南極星光近曉迂西風樹

民瘼紛々無力拯推恩擬自向隅求

百日紅

此種花名百日紅炎々天氣色偏濃弱枝垂檻知誰
惜嫩蕊當庭不自容近午編排霞映日侵晨勾引蝶
和蜂閒來坐翫情何限瑞錦翻看第幾重

萬壽聖節朝拜後詣壇所

分茅自昔國居南北望山呼至再三
聖壽與天同永久仁恩如海極泓涵空江霧斂掩晴
練長嶺雲收擁翠嵐正值社壇秋有祀驅馳紫陌不

停驂

中秋無月二首

月被雲遮冷淡秋層簷雨急不停流支願念及民間
苦合眼疑從物外遊不向龍陂投拄杖空懷牛渚泛
扁舟但能竊得長生藥住世令人百不憂
不見銀蟾悶老懷西風為把桂花摧南樓有興空揮
塵東閣無心獨把杯今夜清光當我減何時笑口向
人開更殘坐待浮雲散無那雞鳴曙色催

和韻桂軒月夕遇雨

天香閣上望文星雲翳層層接洞庭簾箔風迴螢閃
爍堦除雨過葉飄零有年已自炊梁熟無月何當把
酒停後夜清光如白晝詩成為我一書屏
十六夜
淒風苦雨妬佳辰月魄昏憒惱殺人剛欲舉盃先敗
興徒令握管倍傷神廣寒府竟迷無路明鏡臺應積
有塵安得至人同此夕為祛浮翳覩蒼旻

高遠堂席間賦

守齋三日絕羶葷此值開筵禮意勤豈是聞韶解意

味纔因對酒得論文江流遶郭隨風漾桂子出軒
灑露芬潦倒吟詩無好句石臺高處送殘曛

楊邃菴先生出入將相勤勞孚於中外余自
昔及今三贈之言特以申仰德之私云耳

邃翁相業濟貼危再起臨邊整六師醜虜聞風應遠
遜盛名蓋世豈空垂黃塵鐵騎關山迥白日金烏歲
月遲

西顧且紆宵旰慮還朝將復拜

疇咨

和韻桂軒九日寫興

秋空四望黑雲垂
晝短頻占漏刻移
綠酒方新湏引
滿黃花依舊又開遲
餚糕曾謂詩人欠
泥肚何嗔稚
子嬉擬欲登臨酬
令節祇愁細雨濕
旌旗

席間偶成

籬菊深秋尚未芳
豈因冷落過重陽
餚糕香美開
席醕酒清醇泛玉觴
日影測來知漸短
天時流轉訝
當涼菜萸紫艷還堪插
為喜臨風兩鬢蒼

國戚周鎬永言孝思卷

官冷何曾肯離儒
晚年來食武昌魚
終諧吉嘉禮光南
國始信陰功在故閭
塚上千株栽就樹
壁間幾卷讀
殘書
桃園咫尺城東道
鶴怨猿啼野色虛

宗廟冬祀

連朝寒甚作初冬
烝祫從來祀典崇
擇日神靈如在
上履霜怵惕動于衷
樽罍既潔方陳獻
祝帛惟虔有
感通城樹啼烏天欲曉
廟庭佳氣鬱葱肅

高遠堂用桂軒韻

月令推遷又孟冬
相邀同上翠微峯
高臺雨過新苔

綠曲徑風回亂葉封
羯鼓漫敲花不放
橙杯空把酒頻供
江山可惜成搖落
愁倚重茵綉隱蓉

題捕虎圖

南山白額嘯生風
壯士彎弓膽氣雄
漢將夜行曾射石
而今猿臂有誰同

冬夜

幽齋默坐欲無言
案上殘書又幾翻
豈事兩端如首鼠
但持一念繫心猿
遲遲宮漏依時報
朵朵燈花落
意繁今歲歸餘當有閏
月來日往道長存

冬至

玉漏將殘耿不眠
起朝長至戴

堯天庭心風動鳴環珮
殿角霜飛濕冕綬
陽氣從茲回地底
吟懷依舊到梅邊
太平時尚爭豪侈
民瘼何人話綺筵

和韻桂軒冬寒偶成

吟窓無柰此朝寒
寫就新詩墨未乾
雙鬢飄蓬如雪粲
寸心軒豁擬天寬
朔風凜冽鳴仙籟
殘溜冷響佩珊獨倚闌
干最清絕梅邊謾折一枝看

西湖舟中

歲閏逢殘臘衝寒得縱遊道傍青草茁堤畔彩雲浮
北陸開晴旭西湖泛小舟烹鮮聊一醉身世兩悠悠
新歲

眼看五十度新春曾未知非愧古人對鏡有心驚白
髮凭欄無語仰蒼旻花前不厭歌音緩酒後猶防步
履頻誰道路人碑在口物情變故總非真

和韻桂軒新正試筆

新正且喜誦高吟撫景應爲淑氣侵珠玉元來無定
價莞絃從此有餘音乘軒客任衝泥過結社盟還冒
雨尋可是吾宗能好事芳名贏得播于今

謝松軒送紅梅二絕

分得南枝植小盆盈盈朱顆不勝繁開樽對酌情無
限入夜還應役夢魂

松軒惠我一盆梅含笑朱唇尚未開應是連朝風雨
惡花奴羯鼓不曾催

費太史民受奉使還朝

奉使南來幾日間軺車猶趁早春還江波渺々搖新

樹旭日曛、照遠山戀

闕雅能光相業過家應得慰慈顏臨歧坐我東風裏
悵望仙踪不易攀

楊長史生日號南山

南山兩作拱前楹照眼韶華慰宦情有壽知當躋大
耄多才想亦夢長庚朱門夜定車音遠綺席春深鳥
語清黜陟不聞元自樂閒邊莫惜酒杯傾

和韻黃鐵橋都憲高遠堂觀燈之作

燈火千門麗星河一水遐沉思頗曠悵望眼空花

因約觀風客同遊淨梵家山川無破碎草木有光華
臺迥招明月杯深泛紫霞多情題妙句特用紀亨嘉
春齋夜坐

孤坐挑燈不計番齋心默、更無言祈年誠懇神應
格豐稔都為雨露恩

省牲

春社前期雨作寒曉來生意滿江干好山一帶雲都
歛花柳爭妍最耐看

贈王侍御

出巡南紀一年中水滢山巔政令通幸值
聖時無闕事能持憲體有威風珠璣刻石憂民切錦
綺張筵待士豐此日升朝沾
寵渥遙瞻壽域海天東

吳貳守改擢于襄留署鄂事

清朝簡擢昇襄陽赤子渡留攝武昌澤被舊遊惟履
素官從

新命已腰黃江郊水發經時定驛路花飛到處香楚
岫春雲聯峴首此邦何事擅循良

和韻桂軒清明有感

分却春光半欲平江波活、柳條明惜身當比千金
重見事何如一羽輕座上名花開又謝筆端好句寫
偏生從今否去應還泰天降禎祥道自亨

福井流芳卷為沈都閩題

郴人自昔甘溪飲鑿井新傳擊壤吟抱甕未應成敞
漏汲泉且喜得清深流芳百世賢人業造福孤城大
將心底事轆轤聲不已邊庭辛苦搗霜砧

穀雨

穀雨茲辰是春茶滿地香臨風堪採摘汲水試煎嘗
有主園林好無情歲月忙四郊烟鎖樹虛度此韶光
二長史設宴賦此紀之

舉國稱良佐今來禮益虔高堂張綺席美酒出神泉
雨過千山秀鶯啼萬樹烟清和天氣好撫景賦詩篇

詠酒

歡伯何年識杜康新篘贏得鬱金香皇封內法非常
製竹葉杯浮琥珀光

和韻姪中尉茶題風木餘哀卷

孝子終天恨風前落木悲淒涼聽雨
夜怵惕履霜時
槩壞應無操機空謾有絲山人求
吉壤曾自銜神奇

夏祀齋居驟雨雷電交作

神鞭鬼馭瀉滂沱此雨看來亦太多每訝漏天無鍊
石更嗟平地有跳波城將傾雉應難已竈欲生蛙可
柰何掣雷轟雷人不寐齋居且幸退詩魔

姪奉國攄東門新居置酒落之以詩

居府潭：地勢雄重扉疊棟煥青紅庭多花鳥留情
翫席有槩書任意攻四海八荒逢世泰五風十雨兆

年豐本支惟是東門近醜酒微吟此樂同

桂軒以夏日紀興險韻相苦戲用荅之

門墻人語競喃：豈約依時製葛衫衆綠口齊擘遠
漢重陰未解壓層岳燈花入夜頻經剪詩草逾春自
合芟雙鬢凋殘非往日閑來把鏡一開函

五月十三日筵間偶成

三載虛神會千秋結世緣高堂華宴設古廟信香燃
鴈序嗟殘謝禽聲悅巧娟髻封稱護國福祚願長延

和韻夏日閒居十詠

芳堦雨連夜落紅未掃除陰雲覆嵐岫簷溜撒瓊珠
撫檻獨看花哦詩清景俱心閒豈不羨萬慮苦縈紆
黃鸝鳴不已金縷為其裳纔從枝上飛又入葉底藏
秋來復春去鴈陣彌天長所願秋一飽辛勤謀稻粱
蛟蝶繞花間斑斑振雙羽蠅蝗日轉丸奚復能高舉
遊絲白日靜燕子呢喃語垂鳥尚有知人生豈無侶
青：松柏長城北一何盛樵牧無從施清陰覆蹊逕
歲寒然後凋堅操同玉瑩人心與山木旦：無伐性
人生居所移出入覺炎涼何如樂吾道達者先升堂

衣錦且尚絀閭然期日章陋彼脩攝術無勞問岐黃
人言鈞天居上有神霄府便夢生八翼何能涉峻阻
仙術元渺茫貪求自前古有如江流東不復向西注
奇枝與淫巧一能蕩心吾思聽古樂誰爲理瑤琴
薰風阜民物天下期

當今何方開壽域具瞻南山岑

終日厭絲竹音聲入雲霄豈知閭閻下尚有飢寒號
咸英與韶護損益事分毫三月忘肉味宣尼道何高
今人學草書爭慕張東海羲獻乃其師遠從晉帖改

憲之高堂中四坐香煙靄字有正鋒相對增慷慨
皎、月東出虛白天宇明試問夜何其起看銀漢平
人聲俱已寂遙聽漏壺清四事兼三王思之待旦行
丑貳守之鳳翔

炎天雨足氣都清文旆應從此日行兩任六年能盡
瘁一陞貳守有餘榮夢迷江樹雲輕歛思入秦關月
倍明得隴可知還望蜀峨眉高處接天平

和韻桂軒秋後苦熱

數日之前已立秋沾裳爭柰汗常流何當斂手忘揮

扇方自顰眉怯上樓仙子凌風吹短笛高人冒雪泛
孤舟只緣擺脫趨炎意不學貪癡秉燭遊

和韻望雨

把筆湏揮紙上埃笑談安得有風雷新秋入夜驚初
至好雨終朝望不來音雜管絃宜暫輟詩賡雲漢竟
難裁禱祈空切桑林意愁鎖雙眉未肯開

初秋苦熱

我歸自書館抱膝廣堂中烈焰留殘暑炎氛擁落紅
藤床難假息葵扇倍相攻往歲交秋候欣納晚風

松軒乃梅軒嫡弟茲入奉宗祧撫諸孤孫可
謂能盡孝弟者嘉之賦詩以賀

祥光環繞畫堂新主者由來重懿親禰廟有嚴歆歲
祀賓筵多喜飲時珍芝蘭雨後生階盛燕雀風前賀
厦頻此舉竒哉應僅見一邦誰不仰深仁

生日

行年五十漸成翁天命難知曠蕩中兩鬢凋零容易
改萬緣紛擾本來空閒邊緩步階苔綠秋後欣看苑
樹紅開國承家今六世光前裕後愧無功

和韻桂軒秋興迴文

汀沙滿望屬深秋料有吟情任取收青嶂倚天高
矗矗白雲連水漫悠悠形忘似汝惟交善室築曾誰是
道謀扃戶桂花香噴鼻經年按界上清幽

秋夜即事四絕 齋宮作

軒墀竚立欲多時白露零々點鬢絲夜氣清涼神自
爽不圖出口便成詩

庭桂相看再噴花納涼樹底趣尤嘉
瓠瓠比際添風味金粟纍々和茗芽

數點螢星上下流寒光那解照蠅頭
紗囊籠尔真兒戲也得空名史傳收

秋後花蚊亦太繁黃昏成陣逐人喧
頻揮玉麈知無益移榻還令月在軒

秋夜

寂寞齋居夜蛩吟遍石闌香銷餘燼熄
燈暗落花寒隱几難成寐援琴試一彈
授衣時且近却喜雨聲殘

和韻桂軒中秋無月

秋月云何隱太空愁聞寒雨滴踈桐
初疑冰鏡沉東

海更恠瓊樓隔遠峯
幻術定無唐帝事
清談誰有晉人風
廣寒深處光應在
老桂婆娑發舊叢

登高筵間作

長春絕頂登臨日
樂事從今感歲時
雲外孤鴻沉古蝶
樹梢羣鹿逸荒歧
紫萸艷々垂紗幘
黃菊纍々泛酒卮
佳節祇須酬酌遠
山晴色映雙眉

和韻桂軒喜晴寫興

手按來詩爲喜晴
格高偏覺意都生
窓間野馬元無迹
戶外花蚊尚有聲
冬暖未須圍炭火
晝閒聊亦事棋枰
如何入夜濛々雨
却使新蟾不得明

寄總制王荆山尚書

舊家積善起東平

天寵頻繁付本兵
五載名園開獨樂
三邊制閫振先聲
膏腴接壤秋皆稔
甲馬連營夜不驚
指日獻功應入相
况當麟閣剏新成

寄王惟忠都憲舊嘗參湖藩

湖南猶頌設施才
屈指于今十載來
曠蕩天恩加黑首
嚴寒霜氣振烏臺
萬千貌虎何雄甚
百

二山河信險哉早晚功成當入覲中庭依舊植三槐
寄桑憲副

每聆丰采帶霜妍可羨芳聲遠近傳累止冠裳雄衛
濮幾年軒節耀秦川令申常欲嚴三五合石庾仍期積
萬千邊事聿修非宿昔

褒恩將下定喬遷

寄任僉憲

經濟才猷屬壯齡重持憲節按邊庭霜飛遐壤沙逾
白風動高原草盡青羨績雅聞登薦剡

多年江左擅才華一自升朝號大家暫輟

講筵馳驛路為宣

制冊到江涯融曉日紅塵滿裊春風綠柳斜黃
鶴樓頭應騁望水天盡處是長沙

二月十五夜致齋

春晴乍暖減衣單風雨仍來怪復寒坐覺青燈孤焰
短起看紅杏幾株殘浮雲自是無根蒂飛鳥何當振
羽翰祈祀山川神意邇順時加攝保平安

和韻桂軒春苑聞百舌

苑內閒行宿酒消忽聞百舌數聲嬌
人詎可容居側妖鳥如何肯下喬
今古千春多變幻陰陽二氣正
和調從來識得東風慣莫把村歌擬舜韶

題天香吟社冊

作詩何太苦結社碧山隈地步容誰占
天香有自來芳踪通月窟逸興發瑤臺
但使聲為律豪吟可恃才

和韻馬教授咏雪

散花天女太多情六出都憑剪水成
石鼎團龍香頓別冰盤形虎味何清
寒催瓊樹抽條早凍合銀河徹底明
來歲豐穰無用卜萬方共仰泰階平

弟建善堂新第既成詩以見意

青門突兀啓新宮又見翬飛玉樹叢
嵐逐重垣升紫氣山橫高棟插蒼穹
宗英表表誰能似文采翩翩自不同
可是友于情誼篤華筵不放酒尊空

西湖偶興

冰泮城西沼寒魚漸可叉水光飛曲岫晴色映流霞
切膾誇肥美調羹辨吐嗟開尊拚一醉獨酌與偏賒

歲暮祀宗廟

穆、殊今古追思儼若存自天蒙降祉在廟聽無言
淵靜從魚躍霜寒有駿奔歲當今夕改佳氣藹端門

和韻桂軒新正試筆聞頒

御製之作

臘盡陽回大地春履端題詠屬才人瑞雲裊、騰空
起弱柳青、夾道新

帝澤無涯宣萬國

聖箴有序示群臣耆年愧乏涓埃報稽首瑤堦拱

玉宸

宗廟春祀用前韻

古禮今全失明裡亦僅存孝惟祈祖格誠豈待人言
玉佩隨風動鸞輿冒雨奔天高春漸麗福澤遍重門

和韻春雨有感

雲氣塞江門重陰積野村青春殊漠、白晝轉昏、
庭草何常翠簷花已自繁依時雷雨至歲稔詎須論

題畫草虫

十分清思託斯圖，下筆天然潤不枯。
着色已欣稱妙品，寫生何苦到凡蕪。
細虫趨、皆能化怪石，稜、不可驅展卷終朝增感慨。
珍藏豈但眼前娛。

上元

一城偕樂總堯民，擊鼓其鏜夜達晨。
璧月當天流素彩，銀花落地散芳茵。
香醪浩飲千鍾滿，急管重翻一曲新。
佳節賦詩誰得似，倡予和汝苦吟身。

後園雨中感興用前韻

及時膏澤慰斯民，倚枕通宵聽到晨。
檻外淺紅梅綻蕊，堦前嫩綠草鋪茵。
對花酌酒情仍舊，握管吟詩句自新。
瞬息韶光如逝水，人生休負百年身。

和韻桂軒喜晴

晴光粲、襯簾紅金鼎香銷座上風。
詩債也知如敝帚，才名安得比高嵩。
每從文本懷莊老，肯爲丹砂訪葛洪。
柳鶯啼無限，意不教虛負一年中。

贈林憲副之四川

萬里帆輕動早春，隨行一鶴倍精神。
橫金且喜官非

舊奉

勅遙知望更新水出錦江通七澤天開雲棧控三秦
臥龍躍馬皆陳迹把酒臨風感慨頻

贈劉亞卿其父兄皆曾任湖轄

迢遙周道雪霜繁行過江南氣始暄官業竟能繩祖
武使華專為達

皇言春隨玉節風雲盛喜逐星輶鳥雀喧重到舊遊
增感慨青山猶自護薇垣

贈陳侍講其父嘗倅長沙



